

Thema:

Gadewch i Ni Greu Rhyngrwyd Gwell Gyda'n Gilydd.

Gwybodaeth Gefndir:

Amlygodd rhwydwaith INSAFE bod y thema hon yn hynod berthnasol yng nghymdeithas newidiol heddiw, sydd â gallu technolegol. Eleni, mae plant a phobl ifanc yn cael eu hannog i ystyried sut gall eu hymddygiad a'u gweithrediadau gyfrannu at wneud y rhyngrwyd yn lle gwell. Cânt eu hannog i ddathlu agweddau cadarnhaol y rhyngrwyd ac ystyried beth mwy y gallan nhw ei wneud a beth mwy y gall oedolion a diwydiant y rhyngrwyd ei wneud, i barhau i wneud pethau'n well.

Sleid 1:

Mae'r gwasanaeth hwn ar gyfer Diwrnod Defnyddio'r Rhyngrwyd yn Fwy Diogel. Cynhelir Diwrnod Defnyddio'r Rhyngrwyd yn Fwy Diogel yn y DU gan *UK Safer Internet Centre*. Eleni, y thema yw, 'Gadewch i Ni Greu Rhyngrwyd Gwell Gyda'n Gilydd.'

Heddiw, rydym yn mynd i ystyried y thema a gweld sut y gallwch helpu i greu rhyngrwyd gwell. Byddwn yn edrych ar yr hyn rydych yn ei wneud ar-lein, beth rydych yn hoffi ei greu, sut rydych yn hoffi siarad â'ch ffrindiau ar-lein, y gemau rydych yn hoffi eu chwarae a'r gwefannau rydych yn eu defnyddio. Bydd y gwasanaeth hwn yn ein helpu i ystyried sut i greu'r rhyngrwyd gorau posibl ac, yn bwysicaf oll, sut y gallwn wneud hyn gyda'n gilydd!

Sleid 2:

Cyn i ni feddwl am greu rhyngrwyd hyd yn oed gwell, gadewch i ni ddechrau trwy ystyried beth rydych eisoes yn hoff iawn ohono am y rhyngrwyd. Pa wefannau ac apiau rydych yn hoff iawn ohonynt? Pam mae'r rhyngrwyd mor wych? (**Rhowch 30 eiliad i'r gynulleidfa sgwrsio â'r unigolyn nesaf atynt a chael adborth ar eu hoff wefannau.**)

Sleid 3:

Mae'r rhyngrwyd yn cynnig llawer o gyfleoedd gwych a gall fod yn greadigol iawn. Y bobl yn yr ystafell hon fydd crewyr apiau, dylunwyr gemau a chrewyr gwefannau'r dyfodol. Gallech fod yn filiynydd nesaf y rhyngrwyd; y cyfan sydd ei angen arnoch yw syniad gwych a chreadigrwyd!

Sleid 4:

Faint ohonoch sy'n hoffi creu pethau ar-lein? Pa fath o bethau ydych chi'n hoffi eu creu ar-lein? Pa wefannau ydych chi'n hoffi ymweld â nhw er mwyn creu'r pethau hyn? Os ydych chi'n hoffi creu rhywbeth ar-lein, ac nid yw ar y sleid hon, peidiwch â phoeni - gallwch sôn amdano. Mae gwasanaethau newydd ar gael bob amser i greu pethau. (**Ceisiwch adborth gan y gynulleidfa am y pethau gwych y maent wedi'u creu ar-lein.**)

Sleid 5:

Rydym wedi sôn am 'rhyngrwyd gwell' – ond beth yn eich barn chi sy'n gwneud rhyngrwyd gwell? Gadewch i ni ddychmygu byd ar-lein perffaith... sut olwg fyddai arno? (Dwylo i fynny a chael adborth)

Sleid 6:

Roedd gennych rai syniadau gwych. Rwyf o'r farn y byddai byd ar-lein perffaith yn rhywle lle mae pawb yn neis i'w gilydd, lle gallwn ddysgu, lle gallwn wneud ffrindiau ac yn bwysicaf oll, rhywle lle gall pawb deimlo'n ddiogel.

Sleid 7:

Yn anffodus, mae rheswm pam mae angen i'r rhyngrwyd fod yn well. Er ein bod ni'n gallu gwneud rhai pethau gwych ar y rhyngrwyd, mae angen i ni fod yn ofalus pan rydym ar-lein. Gadewch i ni ystyried y pedair ffordd ganlynol i helpu i wneud y rhyngrwyd yn lle gwell.

- Gwnewch y mwyaf o'r cyfleoedd gwych sydd gan y rhyngrwyd i'w cynnig, byddwch yn greadigol ac ystyriwch beth y gallech ei greu i wneud y rhyngrwyd yn lle gwell.
- Pwy sy'n hoffi sgwrsio â'u ffrindiau ar-lein? Os ydych, gwnewch yn siwr eich bod yn ymddwyn yn barchus ar-lein! Mae angen i chi drin pobl eraill yn yr un modd ag yr hoffech gael eich trin all-lein ac ar-lein.
- Gadewch i ni ystyried gwybodaeth bersonol. Pwy all roi un enghraifft i fi o wybodaeth bersonol? Mae angen i'r math hwn o wybodaeth fod yn ddiogel ac mae angen i chi wneud yn siwr nad ydych yn dweud wrth ddieithriaid ar-lein ble rydych yn byw, pa ysgol rydych yn ei mynychu a.y.y.b.
- Yn olaf, mae'n bwysig iawn ein bod ni'n dweud wrth rywun neu'n rhoi gwybod am unrhyw beth sy'n ein cynhyrfu ni ar-lein. P'un ai bod hynny oherwydd eich bod chi'n poeni am seibrfwlio, neu eich bod yn gweld rhywbeth amhriodol ar-lein, gwnewch yn siwr eich bod yn dweud wrth rywun.

Sleid 8:

I orffen, beth fyddwch chi'n ei wneud heddiw i greu rhyngrwyd gwell? Efallai yr hoffech ysgrifennu blog am Diwrnod Defnyddio'r Rhyngrwyd yn Fwy Diogel, i roi gwybod i bawb arall am y thema a beth y gwnaethoch ei ddysgu yn y gwasanaeth heddiw. Neu efallai y byddwch yn creu poster, neu'n gwneud rhywbeth gyda'ch dosbarth, yn eich gwersi TGCh. Beth bynnag y dewiswch ei wneud, gall unrhyw beth cadarnhaol sy'n cael ei greu ar-lein helpu i wneud y rhyngrwyd yn lle gwell.